

Hönnun hf
Ari Benediktsson
Austurvegur 20
730 Reyðarfjörður

2003070007
7300; 9310

Reykjavík, 3. september 2003
/--

Efni: Snjóflóðavarnir á Norðfirði - Tröllagiljasvæði. Ákvörðun um tillögu að matsáætlun.

Í samræmi við 8. gr. laga um mat á umhverfisáhrifum er hér kynnt niðurstaða Skipulagsstofnunar um tillögu Fjarðabyggðar að matsáætlun um snjóflóðavarnir á Tröllagiljasvæði á Norðfirði, Fjarðabyggð.

Skipulagsstofnun barst með bréfi Hönnunar dags. 8. ágúst 2003 tillaga Fjarðabyggðar að matsáætlun:

Fjarðabyggð. Snjóflóðavarnir á Norðfirði - Tröllagiljasvæði. Mat á umhverfisáhrifum. Tillaga að matsáætlun. Hönnun.

Skipulagsstofnun leitaði umsagnar um tillögu framkvæmdaraðila hjá eftirtöldum aðilum í samræmi við 8. gr. laga um mat á umhverfisáhrifum: Fjarðabyggð, Byggðastofnun, Fornleifavernd ríkisins, Heilbrigðiseftirliti Austurlands, Umhverfisstofnun og Veðurstofu Íslands. Skipulagsstofnun kynnti tillöguna einnig með fréttatilkynningu og á heimasíðu stofnunarinnar.

Skipulagsstofnun bárust umsagnir frá eftirtöldum aðilum: Fjarðabyggð með bréfi dags. 19. ágúst 2003, Byggðastofnun með bréfi dags. 28. ágúst 2003, Fornleifavernd ríkisins með bréfi dags. 25. ágúst 2003, Heilbrigðiseftirliti Austurlands með bréfi dags. 2. september 2003, Umhverfisstofnun með bréfi dags. 22. ágúst 2003 og Veðurstofu Íslands með bréfi dags. 19. ágúst 2003.

Skipulagsstofnun bárust einnig frekari upplýsingar frá framkvæmdaraðila í kjölfar umsagna með bréfi dags. 29. ágúst 2003.

NIÐURSTAÐA SKIPULAGSSTOFNUNAR

Í samræmi við 8. gr. laga um mat á umhverfisáhrifum hefur Skipulagsstofnun farið yfir framlagða tillögu framkvæmdaraðila að matsáætlun ásamt þeim umsögnum sem borist hafa stofnuninni. Skipulagsstofnun fellst á tillögu framkvæmdaraðila að matsáætlun með þeim viðbótum sem koma fram í svörum framkvæmdaraðila dags. 29. ágúst 2003 og með eftirfarandi athugasemdum.

Samfélag

Í tillögu að matsáætlun, kafla 3.3.10, kemur fram að fjallað verði í matsskýrslu um áhrif snjóflóðavarna á samfélagslega þætti. Skipulagsstofnun tekur undir með Byggðastofnun um að í umfjöllun um samfélagslega þætti sé mikilvægt að metið verði það hlutverk varnargarðanna að koma í veg fyrir röskun á íbúðar-, atvinnu- og samgöngumannvirkjum og að stuðla að auknu öryggi fólks og fjárfestinga. Skipulagsstofnun bendir á að í matsskýrslu þarf að gera grein fyrir megin niðurstöðum snjóflóðahættumats, núverandi rýmingaráætlunum, forsendum þeirra varnavirkja sem fyrirhuguð eru og því öryggi sem gert er ráð fyrir að þau skapi.

Gróðurfar og dýralíf

Í tillögu að matsáætlun, kafla 3.3.1, kemur fram að uppfært verði gróðurkort og framkvæmdasvæðinu lýst m.t.t. gróðurfars og fuglalífs. Í matsskýrslu verði gerð grein fyrir áhrifum framkvæmdarinnar á gróður og dýralíf og m.a. stuðst við reynslu af áhrifum af gerð varnargarða á Drangagilssvæði og uppgræðslu þar. Skipulagsstofnun telur að það sem fram kemur í svörum framkvæmdaraðila við umsögn Umhverfisstofnunar þess efnis að gengið hafi verið um áhrifasvæðið og tegundir plantna skráðar sem og að könnun á útbreiðslu fugla hafi farið fram á völdum sniðum sé fullnægjandi til viðbótar því sem lýst er í framlagðri tillögu að matsáætlun. Skipulagsstofnun undirstrikar mikilvægi þess að fram komi í matsskýrslu hvort áhrif framkvæmda á Drangagilssvæði á gróðurfar náðu út fyrir framkvæmdasvæðið og í hverju þau áhrif voru fólgin ef um þau var að ræða.

Efnistaka

Í tillögu að matsáætlun, kafla 1.5.2, kemur fram að í matsskýrslu verði gerð grein fyrir rannsóknnum á jarðefnum og sýnt fram á að nægilegt efni til mannvirkjagerðar sé til staðar innan framkvæmdasvæðisins. Í matsskýrslu verði gerð nánari grein fyrir efnistöku, þ.e. efnismagni, nákvæmri staðsetningun og verklagi við efnistöku. Skipulagsstofnun tekur undir umsögn Umhverfisstofnunar um að í matsskýrslu verði að gera góða grein fyrir því svæði sem muni raskast við efnistöku, sbr. mörk raskaðs svæðis á mynd 3 í tillögu að matsáætlun og hvernig standa eigi að frágangi. Skipulagsstofnun telur að í matsskýrslu þurfi að gera grein fyrir hvernig til tókst við undirbúning efnistöku á Drangagilssvæði, hvort ófyrirséð vandamál komu þar upp við efnisvinnslu og hvernig þau voru leyst. Ef fyrir liggja viðhorf bæjarbúa til rasks á landslagi og gróðri vegna efnistöku á Drangagilssvæði og þeirra mótvægisáðgerða sem þar var beitt, komi þau viðhorf fram í matsskýrslu og þá hvernig tekið verði tillit til þeirra viðhorfa við framkvæmdir á Tröllagiljasvæði.

Fornleifar

Í tillögu að matsáætlun, kafla 3.3.8, kemur fram að fornleifafræðingur hafi gert úttekt á fornminjum á svæðinu og að í matsskýrslu verði gerð grein fyrir áhrifum framkvæmdarinnar á fornleifar. Skipulagsstofnun telur nauðsynlegt að fornleifar verði merktar inn á kort sem muni

fylgja matsskýrslu.

Skipulag

Í matsskýrslu þarf að gera grein fyrir málsmeðferð skv. skipulags- og byggingarlögum nr. 73/1997. Breyta þarf gildandi aðalskipulagi sbr. 1. mgr. 21. gr. skipulags- og byggingarlaga, hafi aðalskipulag Fjarðarbyggðar, sem nú er í vinnslu, ekki tekið gildi þegar að framkvæmdum kemur. Vinna þarf deiliskipulag fyrir allt framkvæmdasvæðið. Í matsskýrslu komi fram dagsetning staðfestingar aðalskipulags og hættumats vegna ofanflóða.

Hólmfríður Sigurðardóttir

Þóroddur F Þóroddsson

Afrit :

Fjarðabyggð, Byggðastofnun, Fornleifavernd ríkisins, Heilbrigðiseftirlit Austurlands, Umhverfisstofnun og Veðurstofa Íslands